


পোয়া-মাইয়া অলর লাই বাইবেল
যে প্রকাশ গইজে



স্বর্গ হইয়ে দে
ঈশ্বরর সুন্দর বাড়ী



যে লেইক্কে: Edward Hughes

যে ছবি আইক্কে: Lazarus
Alastair Paterson

যে সম্পাদন গইজে: Sarah S.

যে অনুবাদ গইজে: Adlina

যে পরিচালনা গইজে: Bible for Children
www.M1914.org


©2023 Bible for Children, Inc.

বিশেষ সাবধানর কতা: এই বই ইবা বেচিবারলাই নয়, কিন্তু ইবা ছাপাইবার,
ইলেকট্রনিকস, রেকর্ড গরিবার আর ছবছ লেখিবার অনুমতি দন গেইয়ে।

স্বর্গর ব্যাপারে যীশু তাঁর অংগীঅলরে কইয়েদে যেতে যীশু এই দুনিয়াত
আছিল ইবারে তিনি কইতো দে, “আর বাপর বাড়ী” আর কইতো এডে
থাইবার বহুত জাগা আছে। উগ্যা ডর অট্টালিকা,
সুন্দর চমৎকার বাড়ী। দুনিয়ার যেকোনো
বাড়ীরতুন স্বর্গ বহুতডর আর
বেশী সুন্দর।



যীশু কইয়ে, “আই তোয়ারার লাই জাগা ঠিক গইরত্তো যাইরা আই যাই তোয়ারার লাই জাগা ঠিক গরি আবার চলি আইষুম আর আঁর কাছে তোয়ারারে লই যাইযুম” মরনরতুন জেয়াতা হই উডিবার পরে যীশু স্বর্গত গেইয়ে গই। অংগীঅলরে চোখোর সামনোদীরতুন যীশুরে তুলি লওয়া হইয়ে আর যীশু উগ্গ্যা মেঘর আড়ালত চলি গেইয়ে।



3


এয়ার পরোতুন খ্রীষ্টানঅলে যীশুর প্রতিজ্ঞা মনত রাইক্লে যে, যীশু ফিরি আই তারারে লই যাইবো। যীশু কইয়ে তিনি আতিক্য গরি ফিরি আইবো। যেত্তে কেউ কোনো আশা ন গরিবো। কিন্তু যেসব খ্রীষ্টানঅলে তাঁর আইবার আগে মরি যাইবো তারা কি হইবো? বাইবেলত কয় দে তারা সরাসরি যীশুর কাছে যাইবো। শরীলরতুন আলাদা হই প্রভুর অংগেই থাকিব।

প্রভুর সামনদী
হাজির হ




4

স্বর্গ কত যে সুন্দর আর চমৎকার এই ব্যাপারে বাইবেলের শেষ বই প্রকাশিত বাইক্য আঁরারে কয়। বিশেষ গরি ইবা উগ্গ্যা চমৎকার বিষয় দে স্বর্গ ঈশ্বরর থাকিবার জাগা। ঈশ্বর যে কোন জাগাত আছে, কিন্তু স্বর্গ হইল দে তাঁর সিংহাসন।




5

ফেরেস্তা আর স্বর্গর বাহিনী স্বর্গত ঈশ্বরর উপাসনা গরের। ঈশ্বরর বেক মানুষ যারা মরি গেইয়ে আর স্বর্গত গেইয়ে ইতারো ঈশ্বরর প্রশংসা গরের। তারা যে গানওয়া গাইয়ে এয়ার কয়েককান লাইন এরহম:
তুঁই উপযুক্ত, তুঁই তোয়ার রক্ত দিয়েনে বেক বংশ
আর জাতির মইখর তুন ঈশ্বররলাই আরারে কিনি
পুনরুদ্ধার গইজ্জ্য (প্রকাশিত বাক্য ৫:৯
পদ)। তাঁর সেবারলাই
পুরোহিত আর দুনিয়াত
রাজত্ব গরিবারলাই
রাজা গইজ্জ্য।
(রোমীয় ৫:৯ পদ)



6

বাইবেলের শেষদ্বী স্বর্গর ব্যাপারে বর্ণনা দিত যাই। “নোয়া যিরুশালেম” অর কতা কওয়া হইয়ে। ইবা হইয়েদে বহুত ডর আর চারিমিক্কা দেওয়াল দিয়েনে ঘেরা দেয়া দেওয়ালর পাথরগুন হইয়েদে আইনার মত। আর নীচর ভীতগুনোর মইখ্যে বেক রকমন দামী দামী পাথর বোয়ানো আছিল। শহরর বেক দরজা এক উগ্গা মুক্তা দিয়েনে তৈয়ার গরা।




7

শহরর দরজাগুণ কোনদিন বন্ধ ন থাকে। চলো ভিতরত যাই আর চারিমিক্কা ঘুরি ঘুরি চাই- কী সুন্দর! স্বর্গর ভিতরগান খুব বেশী সুন্দর। শহরগান পরিষ্কার কাঁচরনান সাদা, খাঁটি সোনার তৈয়ারী। এনকি রাস্তা ইউনো সোনা দি তৈয়ার গইজ্জ্য।




8

ঈশ্বরর সিংহাসনরতুন এককান সুন্দর, চকচইক্লা জীবন-জলর নদী বই যাইতো লাইগ্লে। এই নদীর দুই পাশেই জীবন গাছ আছিল। যিবা এদন বাগানত প্রথম দেখা গেইল। গাছইবা আছিলদে অসাধারণ। এই গাছত প্রতি মাসেই বারো বইত্তা ফল ধরে আর এই জীবন গাছর পাতাত জাতির মানুষ ভালা হয়।




এনকি স্বর্গর মইধ্যে জীব-জন্তু হইলদে নানা বইত্তা। এউন বেক হইয়েদে চুপচাপ, শান্ত আর বন্ধুরনান নেকড়ে বাঘ আর ছাগল একঅংগে খের খার। শক্তিওয়লা সিংহগুন ষাড়রনান গরি খের খার। সদাপ্রভু কইয়েদে, “আর পবিত্র পাহাড়ত যারা থাকিব তারা কোন আঘাত ন পাইবো, ধবংসও ন হইবো।”



স্বর্গত ঈশ্বরর কাছে কোন দুঃখ নাই, কিন্তু পৃথিবীত মাঝে মইধ্যে ঈশ্বরর মানুষঅল দুঃখত কাঁদে। স্বর্গত ঈশ্বর বেকের চোখর পানি মুছি দিবো।



স্বর্গত চাঁদ বা সূর্যর আলোর দরকার নাই। এয়ার কারণ ঈশ্বরর নিজর মহিমলাই স্বর্গ চমৎকার গরি আলোকিত হইবো। এডে কোনোদিন কোন আন্ধার ন থাকিবো।



আরা স্বর্গর চারিমিক্লা চাই দেখিলাম দে এডে কিছু বিষয় নাই। এডে কোন রকম রাগ বা খারাপ কতাবর্তা, হুনা ন যায়। কোনিকাই মারামারি ন গরে বা নিজর স্বার্থর কতা ন ভাবে।

স্বর্গত কোন চোর নাই। এই কতারলাই দরজাত তালা নাই। এডে কোন মিথ্যুক খুনী, গণক, যাদুকার বা কোন দুষ্ট মানুষ নাই। স্বর্গত কোন রকম পাপ নাই।



এনকি স্বর্গত কোন মরণ নাই। ঈশ্বরর মানুষঅল আরা জীবন সদাপ্রভুর অংগে থাকিব। যেডে কোন রকম দুঃখ নাই, নাই কোন কান্না, নাই ব্যথা, অসুখ নাই, নাই আত্মীয়-স্বজন হারাইবার ব্যথা, বা মরণ। বেক মানুষ স্বর্গত ঈশ্বরর অংগে সুখ ভোগ গরিবো।



মূলকতা হইয়েদে যে পুয়া মাইয়াঅল তারার উদ্ধারকর্তা গরি প্রভু যীশু খ্রীষ্টরে বিশ্বাস গইজেজ্য আর তাঁর বাইধ্য হইয়ে তারা বেকেই স্বর্গর বাসিন্দা হইবো। স্বর্গত উল্ল্যা বই আছে যিবারে মেঘ-শিশুর জীবন বই কওয়া হয়। মাইনষর নাম দিয়েনে ভরা এই বই। তুই কি জান না, কার কার নাম এই বইয়র মইধ্যে লো আছে? এই বেক মানুষর নাম যারা না কি যীশুরে উদ্ধারকর্তা হিসাবে বিশ্বাস গইজেজ্য। তোয়ার নাম কি এডে আছে?



15

স্বর্গর ব্যাপারে বাইবেলর শেষ কতায় বেকরলাই উল্ল্যা সুন্দর নিমন্ত্রণ রইয়ে। “পবিত্র আত্মা আর কনে কইয়েদে, ‘আইও’। আর যে নাকি এই কতা হইয়ে ইতেও কউক, ‘আইও’। যারার তিরাশ পাইয়ে ইতে আইওক আর যে পানি খাইতো চায় ইতে বিনামূল্যে জীবন পানি খাই যোক”।



16

স্বর্গ হইয়ে দে ঈশ্বরর সুন্দর বাড়ী

ঈশ্বরর বাইক্য পবিত্র বাইবেলর তুন গল্পওয়া লওয়া অইয়ে

গল্প ইবার মইদ্যে আছে দে

যোহন ১৪ অঃ; ২ করিন্থীয় ৫ অঃ;
প্রকাশিত বাক্য ৪,২১,২২ অধ্যায়া।

“তোঁয়ার বাইক্যই আঁর জীবনর আলোর কেবার (দরজা).”

গীতসংহিতা ১১৯:১৩০ পদ

17



60

60

18

এই বাইবেলর কাহিনী ইবা যে, আরারে তৈয়ার গইরণে এবং তিনি চান যেন আরা তাঁরে জানি আরার সেই চমৎকার ঈশ্বরর ব্যাপারে আরারে কয়।

ঈশ্বরর জানে যে, আরা খারাপ খারাপ কাম গইরণি যিবারে ঈশ্বরর পাপ কয়। পাপর শান্তি মরণ কিন্তু ঈশ্বরর আরারে বেশী ভালবাসে। তিনি তাঁর অশ্লো পোয়া যীশুরে আরার পাপর লাই ক্রুশত মরিবারলাই আর শান্তি পাইবার লাই পাঠাই দিইল। পরদি যীশু মরনরতুন জেয়াতা হইয়েনে স্বর্গর মধ্যে যে, ঘর আছে এডে ফিরি গেইয়ে। যদি অনে যীশুরে বিশ্বাস গরণ আর অনর পাপর লাই তাঁর কাছে মাফ চন তইলে তিনি মাফ গরি দিব। তিনি এহন আইয়েরে আরার মধ্যে থাকিব আর অনেও তাঁর মধ্যে আজীবন থাইবেন।

যদি অনে বিশ্বাস গরণ যে ইবা হাঁসা তইলে ঈশ্বরর কাছে এই প্রার্থনাওয়া গরণ:
প্রিয়া যীশু, আই বিশ্বাস গরি দে, তুই ঈশ্বরর আর আরার পাপর লাই মরিবার লাই মানুষ হইয়েনে জনুগ্রহণ গইরজুইন। আর এহন তুই আবার জীবিত আছন। দয়া গরি আর জীবনত আইয়ো আর আর পাপ ক্ষমা গর যেন, আই এহনতুন নওয়া জীবন পাইত পারি আর এক দিন হারাজীবন তোয়ার অংগে থাইকতো যাইত পারি। আরে সাহায্য গর যেন, তোয়ার আদেশ মানিত পারি। আর তোয়ার পোয়া হইয়েনে তোয়ার লাই জীবন কাটাইত পারি।

বাইবেল পড়ন আর পোস্তকদিন ঈশ্বরর অংগে কথা কন (যোহন ৩:১৬)।

19